



Pranuar / Dorezuar Punijeno/Prodato Received/Delivery	26.05	2021	1	viti god year
Organ /Njesia Organ /Jednica Org /Unit	Nr Prot Br Prot Prot No	Shtojca Prilog Appendix	Sasia Kolicina Quantity	
SKAMBEK	2652/2021		1/4	



**Republika e Kosovës**  
**Republika Kosova – Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVO**

**A.nr.285/2021**

**Këshilli i Pavarur Mbikëqyrës për Shërbimin Civil të Kosovës-** Kolegji për shqyrtimin dhe vendosjen e ankesave në përbërje nga: Eshref Shabani-kryetar, Arben Mehmeti dhe Malsore Gashi Bajraktari -anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.285/2021 të datës 19.04.2021 të parashtruar nga ankuesja me adresë banimi: Rruga “Gjeladin Hana”, Bregu i Diellit PN, Komuna e Prishtinës, kundër organit punëdhënës Ministrisë së Tregtisë, Industrisë dhe Ndërmarrësisë, në çështjen juridike “kompensim material”, duke vepruar në pajtim me nenin 6 paragrafin 1.1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 26.05.2021, mori këtë:

**V E N D I M**

**I. REFUZOHET si e pa bazuar** ankesa me numër A.nr.285/2021 e datës 19.04.2021, e parashtruar nga ankuesja

**A r s y e t i m**

Ankuesja sipas Akt Emërimit të datës 08.05.2018 e punësuar në Ministrinë e Tregtisë dhe Industrisë në poziten “Mbikëqyrëse e Projekteve Kapitale në kuadër të AIPNK”, e pakënaqur me institucionin punëdhënës për shkak të mos realizimit të shtesave në pagë sipas vendimit nr.02/39 të datës 08.10.2008 të Qeverisë së Republikës së Kosovës, me datë 19.04.2019 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e cila është regjistruar me numër protokoli 1847/2021.

Këshilli i Pavarur Mbikëqyrës për Shërbimin Civil të Kosovës më datë 21.04.2021 ka dërguar kërkesën për përgjigje në ankesën e ankuesit tek Ministria e Tregtisë, Industrisë dhe Ndërmarrësisë. Më datë 05.08.2019 Ministria e Tregtisë dhe Industrisë ka dërguar përgjigjen në ankesë me dosjen e bashkangjitur të lëndës.

Kolegji për shqyrtimin dhe vendosjen e ankesave ka administruar këto prova: Ankesën e datës 19.04.2021 të parashtruar nga ankuesja me numër protokoll 1847/2021 në Këshillin e Pavarur Mbikëqyrës për Shërbimin Civil të Kosovës; Përshkrimin e detyrave për pozitën “Mbikëqyrëse e Projekteve Kapitale në kuadër të AIPNK”; Kërkesën për aprovim të shtesave në pagë e datës 09.12.2020 me numër prot: 9142; Vendimin e datës 08.10.2008 me numër Nr.01/39; Vendimin Nr.02/39 të datës 08.10.2008 të Qeverisë së Republikës së Kosovës së bashku me aneksin I; Formularin e vlerësimit të rezultateve në punë për vitin 2019 të datës 30.12.2019; Diploma e Universitetit e ankueses me numër:839 e datës 23.02.2009; Vendimin e datës 21.03.2019 me numër:489; Vendimin e datës 17.10.2018 me numër 1908; Vendimin me numër 1817 të datës 26.09.2018; Vendimin me numër 2030 të datës 14.11.2018; Vendimin me numër 597 të datës 08.04.2019; Vendimin me numër 1035 të datës 10.07.2019; Vendimin me numër 841 të datës 15.05.2018; Vendimin me numër 520 të datës 28.03.2019; Vendimin me numër 1799 të datës 24.09.2018; Vendimin me numër 1800 të datës 24.09.2018; Vendimin me numër 841 të datës 15.05.2018; Çertifikatë e lëshuar nga USAID për ankuesen; Çertifikatë e lëshuar nga REA për ankuesen; Çertifikatë e lëshuar nga PISG për ankuesen; Çertifikatë trajnimi e lëshuar nga OSCE për ankuesen; Çertifikatë e periudhës kohore 14-15 qershor 2005 lëshuar nga Institucionet e Përkohshme Vetëqeverisëse të Kosovës për ankuesen; Çertifikatë e lëshuar nga USAID për ankuesen e datës 16.03.2010; Çertifikatë e lëshuar nga OSCE për ankuesen e datës 29.09.2001; Kërkesa për përgjigje në ankesë e datës 21.04.2021; Përgjigja në kërkesë e datës 23.04.2021 me numër prot:1937/2021; Akt emërimit e datës 08.05.2018; Vendimin e datës 14.05.2021 me numër 837; E-maili i datës 12.03.2021 dërguar nga \_\_\_\_\_ për \_\_\_\_\_

Kolegji për shqyrtimin dhe vendosjen e ankesave, për vendosjen e kësaj çështje, duke u bazuar kompetencat e tij dhe pasi ka shqyrtuar të gjitha shkresat e bashkangjitura të lëndës, ka konstatuar se ankesa e ankueses Mirvete Jaha, **është e pa bazuar, sepse:**

Kolegji për shqyrtimin dhe vendosjen e ankesave, ka shqyrtuar pretendimet ankimore të ankueses Mirvete Jaha e cila pretendon për njohje të plotë të shtesës së Teknologjisë Informative sipas Vendimit Nr.02/39 të datës 08.10.2008 të Qeverisë së Republikës së Kosovës si dhe pagesës në mënyrë retroaktive nga data 05.11.2020 të shtesave në pagë bazuar në vendimin në fjalë.

Kolegji për shqyrtimin dhe vendosjen e ankesave, gjatë shqyrtimit të provave të lëndës, ka konstatuar se ankuesja duke iu referuar Vendimit Nr.02/39 të datës 08.10.2008 të Qeverisë së Republikës së Kosovës me datë 05.11.2020 ka parashtruar kërkesë për pagesën e shtesave mbi pagën bazë tek Sekretarja e Përgjithshme e Ministrisë së Tregtisë dhe Industrisë, ndërsa Udhëheqësja e Divizionit të Burimeve Njerëzore të Ministrisë së Tregtisë dhe Industrisë me datë 12.03.2021 përmes emailit i është drejtuar Drejtorit të Departamentit për Menaxhimin e Zyrtarëve Publik/MPB me kërkesën për informata nëse ankueses \_\_\_\_\_ i takojnë shtesat mbi pagën bazë sipas Vendimit Nr.02/39 të datës 08.10.2008 të Qeverisë së Republikës së Kosovës.

Kolegji për Shqyrtimin dhe Vendosjen e Ankesave, gjatë shqyrtimit të ligjshmërisë së pretendimeve ankimore të ankueses, ka analizuar Vendimin Nr.02/39 të datës 08.10.2008 të Qeverisë së Republikës së Kosovës, përmes të cilit është aprovuar lista e pozitive dhe shtesave në pagë për kategori të veçanta të profesioneve deficitare në fushën e teknologjisë informativë dhe inxhinieringut, dhe Vendimin Nr.07/29 të datës 31.07.2008 të Qeverisë së Republikës së Kosovës, me të cilin është përcaktuar procedura për parashtrimin dhe trajtimin e kërkesave dhe mënyra e realizimit të shtesave për kategoritë e veçanta të profesioneve deficitare, dhe rrjedhimisht është konstatuar se aprovimi i shtesave në pagë për pozita deficitare është bërë me qellim të ruajtjes së kategorive të veçanta deficitare të punonjësve, stimulimit të konkurrencës



për profesione të veçanta deficitare dhe zbatimit të parimit të pagesës së njëjtë për punë të njëjtë në të gjitha organizatat buxhetore. Po ashtu, me këtë vendim është përcaktuar se paga bazë së bashku me shtesat mbi pagë nuk mund të tejkalojnë pagën e zyrtarëve të lartë të emëruar nga KELP-i, si dhe është obliguar Ministria përgjegjëse për Administratë Publike dhe Ministria e Financave për shqyrtimin e listës dhe standardëve kualifikuese dhe shumes stimuluese për postet e caktuara, se paku një herë në muaj.

Kuvendi i Republikës së Kosovës, me datë 13.05.2010 ka aprovuar Ligjin Nr.03/L-147 për Pagat e Nëpunësve Civil, përmes të cilit është bërë përcaktimi i sistemit dhe strukturës së pagave, shtesave dhe kompensimeve të tjera për nëpunësit civilë, ndërsa me dispozitat e nenit 14 të këtij ligji është përcaktuar se: *1. Shtesat mbi pagën bazë janë: 1.1. shtesa për punë me ndërrime dhe jashtë orarit të punës; 1.2. shtesa për kushte specifike pune; dhe 1.3. shtesa për kushtet e tregut.* Përkitazi me këtë, duke u bazuar në dispozitat e nenit 27 të Ligjit Nr.03/L-147 për Pagat e Nëpunësve Civil, Qeveria e Republikës së Kosovës, me datë 24.12.2012 ka aprovuar Rregulloren Nr.33/2012 për Shtesat në Pagë dhe Kompensime të Tjera të Nëpunësve Civil, përmes të cilës ka përcaktuar kushtet dhe procedurat për shtesat dhe kompensime të tjera mbi pagën bazë të nëpunësve civilë. Me hyrjen në fuqi të kësaj rregullore janë shfuqizuar të gjitha aktet nënligjore të cilat kanë rregulluar shtesat dhe kompensimet tjera të nëpunësve civil, dhe rrjedhimisht edhe Vendimi Nr.02/29 i datës 31.07.2008 dhe Vendimi Nr.02/39 i datës 08.10.2008 i Qeverisë së Republikës së Kosovës, konstatim ky i dhëne edhe në Raportin Vjetor të Vitit 2017 të Këshillit të Pavarur Mbikëqyrës për Shërbimin Civil të Kosovës, kështu që duke u bazuar në këtë konstatim, Kolegji vlerëson se pretendimi ankimor i ankueses për realizimin e shtesës në pagë sipas Vendimit Nr.02/39 të datës 08.10.2008 të Qeverisë së Republikës së Kosovës, tani më është i pa bazuar.

Kolegji për Shqyrtimin dhe Vendosjen e Ankesave, bazuar në dispozitat e Rregullores Nr.33/2012 për Shtesat në Pagë dhe Kompensime të Tjera të Nëpunësve Civil, përkatësisht nenin 8 të kësaj rregullore, ka arritur të konstatojë se Ministria përgjegjëse për administratë publike, në bashkëpunim me ministrinë përgjegjëse për financa, mund të kërkojë nga Qeveria e Republikës së Kosovës që të miratojë një shtesë për kushtet e tregut për pozitat ose llojet e pozitave për të cilat niveli i pagës për personelin e ngjashëm nga organizatat dhe punëdhënësit e tjerë jashtë Shërbimit Civil është së paku 40% më i lartë sesa niveli i pagës që ofrohet nga Shërbimi Civil, e kjo shkakton vështirësi të konsiderueshme në rekrutimin dhe mbajtjen e personelit të kualifikuar për ato pozita ose lloje të pozitave në administratë publike, ndërsa institucioni për realizimin e shtesës për kushtet të veçanta të tregut duhet t'i ofroje Ministrisë përgjegjëse për administratë publike kërkesën lidhur me arsyeshmërinë e realizimit të shtesës dhe një analize që dëshmon vështirësitë të cilat janë hasur nga institucioni gjatë rekrutimit dhe mbajtjes së personit të kualifikuar, listën e pozitave përkatëse dhe koston vjetore të vlerësimit financiar. Si dhe shtesa mbi pagën bazë për kushte të veçanta të tregut nuk mund të tejkalojë më shumë se 50% të pagës bazë.


Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 6 paragrafi 1 nënparagrafi 1.1 dhe neni 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**Këshilli i Pavarur Mbikëqyrës për Shërbimin Civil të Kosovës**  
**Lënda me numër A.nr.285/2021**

**Flakron GASHI**



*Zyrtar i Lartë për Bashkëpunim Profesional*

**Eshref SHABANI**



*Kryetar i Kolegjit*



Vendimi i dorëzohet:

- *Ankueses*
- *Sekretarit të Përgjithshëm të Ministrisë së Tregtisë, Industrisë dhe Ndërmarrësisë;*
- *Udhëheqësit të Burimeve Njerëzore në Ministrinë e Tregtisë, Industrisë dhe Ndërmarrësisë dhe*
- *Arkivit të KPMSHCK-së*

